

**“Trastbank” xususiy aksiyadorlik bankida “Trastpay” mobil-ilovasi orqali
pul mablag‘ini milliy valyutadagi “Onlayn-Farovon” muddatli
onlayn-omonatiga joylashtirish xizmatini ko‘rsatish bo‘yicha
ELEKTRON OFERTA**

“Trastbank” xususiy aksiyadorlik bankining bank xizmatlari ofisi (keyingi o‘rinlarda – Bank), bir tarafdin, va Bank yoki boshqa tijorat banki tomonidan muomalaga chiqarilgan bank kartasining egasi bo‘lgan hamda quyida taklif qilinayotgan Elektron oferta shartlarini to‘laligicha va so‘zsiz qabul qilishini elektron shaklda akseptlash orqali bildirgan jismoniy shaxs (keyingi o‘rinlarda – Omonatchi), ikkinchi tarafdin, O‘zbekiston Respublikasi Fuqarolik kodeksining 367, 369 va 370-moddalariga muvofiq quyidagilar haqida mazkur Elektron ofertani tuzdik.

1-§. Elektron oferta predmeti

1. Omonatchi Elektron ofertani akseptlagandan so‘ng, bank kartasi hisobvarag‘idagi pul mablag‘ini “Trastpay” mobil-ilovasi vositasida “Onlayn-Farovon” muddatli onlayn-omonatga (keyingi o‘rinlarda – onlayn-omonat) o‘tkazadi.

2. Bank Elektron ofertaga asosan Omonatchi tomonidan o‘tkazilgan pul mablag‘ini onlayn-omonatga qabul qiladi, unga foiz hisoblaydi va muddati tugaganda uni qaytaradi hamda Omonatchining mazkur onlayn-omonat hisobvarag‘ini masofadan turib boshqarishiga ruxsat beradi.

2-§. Elektron ofertani akseptlash tartibi

3. Omonatchi pul mablag‘ini onlayn-omonatga joylashtirsa, bu Omonatchining Bank tomonidan taklif etilgan onlayn-omonat va ushbu Elektron oferta shartlariga hamda pul mablag‘ini onlayn-omonatga joylashtirish xizmatini ko‘rsatish qoidalariga roziligini bildiradi.

4. Onlayn-omonat va ushbu Elektron oferta shartlari ma‘qul kelmasa, Omonatchi “Trastpay” mobil-ilovasi orqali pul mablag‘ini onlayn-omonatga joylashtirishdan voz kechishini bildiradi.

5. Omonatchiga onlayn-omonatning ochilishi va unga Omonatchining pul mablag‘i joylashtirilishi ushbu Elektron ofertaning akseptlanganligini bildiradi. Omonatchining pul mablag‘i onlayn-omonatga joylashtirilgan paytdan boshlab ushbu Elektron oferta tuzilgan hisoblanadi.

3-§. Onlayn-omonat shartlari va hisob-kitoblar tartibi

6. Onlayn-omonatning minimal qiymati: 1 000 000 (bir million) so‘m.

7. Onlayn-omonatning muddati: 25 oy.

8. Onlayn-omonatning foiz stavkasi: yillik 17 (o‘n etti) foiz.

9. Onlayn-omonatga qo‘shimcha mablag‘ kiritish imkoniyati mavjud emas.

10. Onlayn-omonatning amal qilish muddati davomida qisman yechish mumkin emas.

11. Jalb qilingan onlayn-omonat bo‘yicha foiz stavkasi uning muddati tugagunga qadar o‘zgarmaydi.

12. Onlayn-omonat bo‘yicha foiz ushbu omonat Bankka qabul qilingan kunning keyingi sanasidan boshlab onlayn-omonatni Omonatchiga qaytariladigan kungacha hisoblanadi.

Omonatchining onlayn-omonat hisobvarag‘i xatlanganligi oqibatida Bank onlayn-omonatdagi pul mablag‘idan foydalana olmagan davr uchun foiz hisoblanmaydi.

13. Onlayn-omonat bo‘yicha foiz har oyda, ushbu omonat qabul qilingan kundan keyin, to‘lanadi.

Onlayn-omonat bo‘yicha hisoblangan foiz Omonatchining talab qilib olinguncha saqlanadigan omonat hisobvarag‘iga (20206000) avtomat tarzda o‘tkazib beriladi.

Agar omonatchi O‘zbekiston Respublikasi norezidenti bo‘lsa, uning omonati bo‘yicha to‘lanadigan foiz (daromad) qiymatidan 10% miqdorda O‘zbekiston Respublikasi Soliq kodeksining 382-moddasiga muvofiq soliq ushlab qolinadi.

14. Onlayn-omonatning muddati tugagandan so‘ng onlayn-omonatdagi mablag‘ Omonatchining talab qilib olinguncha saqlanadigan omonat hisobvarag‘iga (20206000) avtomat tarzda o‘tkazish orqali, Omonatchiga qaytariladi.

15. Omonatchi omonatni muddati tugamasdan to‘liq qaytarmoqchi bo‘lsa, u bu haqda

Bankni omonatni olishni mo'ljallagan sanadan kamida bir oy oldin ogohlantiradi. Bunda elektron ofertaning amal qilishi to'xtatiladi, onlayn-omonat muddatidan oldin qaytariladi va onlayn-omonatga hisoblangan har uch oylik foizlari to'liq to'lab beriladi, omonat muddati davomida to'langan foizning ortiqcha qismi mavjud bo'lsa, u omonat mablag'idan ushlab qolinadi. Omonatning qolgan muddatiga hisoblangan foizlar bekor qilinadi va to'lanmaydi.

Omonatchining onlayn-omonat hisobvarag'idan boshqa tijorat bankining bank kartasiga pul mablag'i o'tkazilganda Bank tariflariga ko'ra vositachilik haqi undirish.

16. Onlayn-omonat hisobvarag'idan mablag' Bank tomonidan quyidagi hollarda Omonatchi topshirig'isiz hisobdan chiqariladi:

a) vakolatli davlat organining qaroriga asosan;

b) Omonatchining kredit va unga tenglashtirilgan boshqa majburiyatlar bo'yicha qarzdorligi, sudning qaroriga muvofiq, so'ndirilganda.

17. Onlayn-omonatning muddati tugagandan so'ng ushbu Elektron oferta muddatini uzaytirish ko'zda tutilmagan.

4-§. Taraflarning huquq va majburiyatlari

18. Bankning huquqlari:

a) Omonatchining talabi bilan onlayn-omonat muddatidan oldin to'liq qaytarilganda, ushbu Elektron ofertaning 15-bandiga muvofiq, Omonatchi bilan qayta hisob-kitob qilishni amalga oshirish;

b) Omonatchining onlayn-omonat hisobvarag'i O'zbekiston Respublikasi normativ-huquqiy hujjatlarida belgilangan tartibda xatlanganda, ushbu hisobvara q orqali chiqim amaliyotlarini bajarishni to'xtatish;

d) Omonatchining onlayn-omonat hisobvarag'idan boshqa tijorat bankining bank kartasiga pul mablag'i o'tkazilganda Bank tariflariga ko'ra vositachilik haqi undirish.

e) Omonatchi O'zbekiston Respublikasi norezidenti bo'lsa, uning onlayn-omonati bo'yicha to'lanadigan foiz (daromad) qiymatidan O'zbekiston Respublikasi Soliq kodeksining 382-moddasiga muvofiq 10% miqdorida soliq undirish.

19. Bankning majburiyatlari:

a) Omonatchi onlayn-omonatni muddati tugamasdan qaytarishni talab qilganda, uni ushbu Elektron ofertaning 15-bandiga muvofiq, muddatidan oldin qaytarib berish;

b) onlayn-omonatga oid bank sirini tashkil etuvchi ma'lumotlar sir saqlanishini ta'minlash;

d) Omonatchining onlayn-omonat hisobvarag'i bo'yicha amaliyotlar Bank tomonidan to'xtatib qo'yilganda, amaliyot to'xtatilgan sanadan boshlab keyingi ish kunidan kechiktirmagan holda Omonatchiga uning onlayn-omonat hisobvarag'iga xizmat ko'rsatish to'xtatilganligi va uning sababi yuzasidan xabarnoma yuborish;

e) Omonatchining kredit va mikroqarz bo'yicha qarzdorligini so'ndirish uchun uning onlayn-omonat hisobvarag'idan mablag' Bank tomonidan Omonatchining topshirig'isiz hisobdan chiqarilganda, mablag' hisobdan chiqarilgan sanadan boshlab keyingi ish kunidan kechiktirmagan holda Omonatchiga uning onlayn-omonat hisobvarag'idan qancha miqdordagi mablag' qanday sababga asosan va kimning foydasiga chiqarilganligini ko'rsatgan holda xabarnoma yuborish.

20. Omonatchining huquqlari:

a) ushbu Elektron ofertani akseptlash bo'yicha mustaqil qaror qabul qilish;

b) mazkur Elektron oferta shartlari doirasida onlayn-omonatni mustaqil tasarruf etish va masofadan turib boshqarish.

21. Omonatchining majburiyatlari:

a) ushbu Elektron oferta shartlari bilan tanishish;

b) bank kartasi hisobvarag'ida onlayn-omonat ochish uchun yetarli miqdorda pul mablag'iga ega bo'lish;

d) oferta omonati hisobvarag'idan amaliyotlarni amalga oshirish jarayonida "Trastpay" mobil-ilovasidagi uzilishlar yoki texnik nosozliklar haqida Bankka telefon orqali xabar berish;

e) "Trastpay" mobil-ilovasiga kirish uchun berilgan login, parol va SHIR-kodni uchinchi shaxsga oshkor qilmaslik.

5-§. Taraflarning javobgarligi

22. Taraflar mazkur Elektron oferta bo'yicha o'z majburiyatlarini bajarmaganliklari uchun O'zbekiston Respublikasi normativ-huquqiy hujjatlariga muvofiq javobgarlikka tortiladi.

6-§. Fors-major holatlar

23. Taraflar fors-major holatlar amal qilgan davrda Elektron oferta bo'yicha o'z majburiyatlarining qisman yoki to'liq bajarilmaganligi uchun javob bermaydilar.

Fors-major holatlarga quyidagilar kiradi: tabiiy hodisalar (zilzila, ko'chki, dovul, qurg'oqchilik va sug'urta shartnomasida sanab o'tilmagan boshqa tabiiy hodisalar) yoki ijtimoiy-iqtisodiy vaziyatlar (harbiy harakatlar, ish tashlashlar, qamallar, davlat tashkilotlarining hamda davlat tashkilotlari o'rtasidagi cheklovchi va taqiqlovchi choralar, shuningdek Hukumat qarorlari va boshqalar) oqibatida kelib chiqqan favqulodda, joriy sharoitda bartaraf etib bo'lmaydigan va oldindan kutilmagan vaziyatlar, agar ushbu vaziyatlar omonat shartnomasini bajarishga bevosita ta'sir ko'rsatgan bo'lsa.

Fors-major holatlar yuzaga kelganda va to'xtaganda taraflar bir-birini xabardor qiladilar. Xabarnoma taraflarda mavjud bo'lgan barcha aloqa vositalari orqali yuborilishi mumkin (SMS va MMS xabarlarini bundan mustasno).

Fors-major holatlar yuzaga kelgan taqdirda majburiyatlarni bajarish muddatini taraflar fors-major holatlar amal qilgan davrga mutanosib tarzda kechiktiradilar.

7-§. Boshqa shartlar

24. Omonatchi o'tkazgan pul mablag'i Bankdagi onlayn-omonat hisobvarag'iga naqd pulsiz ko'rinishida kelib tushgan kundan boshlab Elektron oferta tuzilgan hisoblanadi.

25. Mazkur Elektron oferta 19-bandining "d" va "e" kichik bandlarida nazarda tutilgan xabarnomalar Omonatchiga uning mobil telefoniga telegram kanali orqali jo'natish orqali topshiriladi.

26. Bank mazkur Elektron oferta shartlariga Omonatchining huquq va qonuniy manfaatiga daxl qiladigan o'zgartirishlarni bir tomonlama kiritishga haqli emas.

27. "Banklardagi omonatlarni himoya qilish kafolatlari to'g'risida"gi O'zbekiston Respublikasi Qonuniga (2025-yil 18-fevraldagi O'RQ-1031) muvofiq jismoniy shaxslarning omonatlari kafolatlariga bo'ysunadi. Kafolatlangan hodisa yuz bergan taqdirda, omonatchi bitta bankdan qonun bilan belgilangan quyidagi miqdorlarda kompensatsiya olish huquqiga ega:

a) agar uning miqdori ikki yuz million so'm yoki undan kam bo'lsa, kafolatlangan aktivning to'liq qoldig'i;

b) kafolatlangan aktivning qoldig'i ikki yuz million so'mdan oshsa, ikki yuz million so'm.

28. Mazkur Elektron ofertada nazarda tutilmagan barcha holatlar uchun O'zbekiston Respublikasi normativ-huquqiy hujjatlari normalari qo'llaniladi.

29. Taraflar barcha nizolarni muzokara yo'li bilan hal etadi.

Taraflar omonat shartnomasi bilan bog'liq bo'lgan, muzokara yo'li bilan hal qilish mumkin bo'lmagan nizolarni Bank (bank xizmatlari ofisi) joylashgan joydagi tegishli sudga ko'rib chiqishga kelishib oldilar.

O'zbekiston Respublikasidagi omonatlarni kafolatlash tizimi to'g'risida

AXBOROT

1.	"Trastbank" xususiy aksiyadorlik bankiga joylashtirilgan omonatlar kafolatlanishi	Bankdagi omonatlar Omonatlarni kafolatlash agentligi tomonidan kafolatlanadi
2.	Omonatlarni kafolatlash asoslari	O'zbekiston Respublikasining "Banklardagi omonatlarni himoya qilish to'g'risida"gi Qonuni

3.	Kafolatlash hodisasi	Bankning tugatilishi (yopilishi)
4.	Kafolatlanadigan omonatlar turi	Talab qilib olinguncha saqlanadigan omonatlar, shu jumladan bank kartalaridagi mablag'lar, muddatli va jamg'arma omonatlar, shuningdek mazkur omonatlar bo'yicha hisoblangan foizlar
5.	Kompensatsiya miqdori	Bank tugatilganda har bir omonatchiga, omonat bo'yicha hisoblangan foizlarni inobatga olgan holda, jami to'lanadigan kompensatsiya miqdori 200 000 000 so'mdan oshmaydi
6.	Bir bankda omonatchining bir nechta omonatlari mavjud bo'lgan taqdirda to'lanadigan kompensatsiya miqdori	Omonatning miqdori va valyutasidan qat'i nazar omonatchining ushbu bankdagi va uning filiallaridagi barcha omonatlari hisoblangan foizlar bilan jamlanadi va ular bo'yicha to'lanadigan kompensatsiyaning umumiy miqdori 200 000 000 so'mdan oshmaydi
7.	Bir nechta bank tugatilgan holda kompensatsiya miqdori	Bir nechta bank tugatilgan taqdirda, mazkur banklarda omonatlari mavjud bo'lgan omonatchi har bir bank bo'yicha alohida tartibda 200 000 000 so'mdan oshmagan miqdorda kompensatsiya olish huquqiga ega
8.	Kompensatsiya to'lash muddati	Bankni tugatish (yopish) to'g'risida qaror qabul qilingan sanadan e'tiboran 20 ish kuni mobaynida: 2026-yil 1-yanvardan boshlab — 15 ish kuni; 2027-yil 1-yanvardan boshlab — 7 ish kuni.
9.	Kompensatsiya to'lanadigan valyuta	Chet el valyutasida qo'yilgan omonatlar bo'yicha kompensatsiya bank tugatilgan (yopilgan) sanadagi O'zbekiston Respublikasi Markaziy bank kursi bo'yicha milliy valyutada (so'mda) to'lanadi
10.	Bog'lanish uchun ma'lumotlar	Omonatlarni kafolatlash agentligining: <u>Manzili:</u> O'zbekiston Respublikasi, 100027, Toshkent shahar, Qoratosh ko'chasi, 1-uy (O'zbekiston Banklari Assotsiatsiyasi binosi) <u>Ishonch telefon raqami:</u> +998 55 550 05 00 <u>el.pochta manzili:</u> Email:info@uzoka.uz <u>veb-sayt manzili:</u> https://fgd.uz/uz,